

趙時楷書儒釋道三經



趙峰楷書儒釋道三經

四

圖書在版編目(CIP)數據

趙峰楷書儒釋道三經/趙峰書.—北京:中華書局,2006
ISBN 7-101-05356-4

I.趙… II.趙… III.楷書—作品集—中國—現代

IV. J292.28

中國版本圖書館 CIP 數據核字(2006)第 131116 號

ISBN 7-101-05356-4



9 787101 053562 >

書 名 趙峰楷書儒釋道三經

書 者 趙 峰

封面題籤 沈 鵬

責任編輯 李忠良

出版發行 中華書局

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

印 刷 杭州蕭山古籍印務有限公司

版 次 2006 年 12 月北京第 1 版

2006 年 12 月北京第 1 次印刷

書 號 ISBN 7-101-05356-4/J·29

定 價 520.00 圓

老子道德經

道可道非常道名可名非常名無名天
地之始有名萬物之母故常無欲以觀其
妙常有欲以觀其徼此兩者同出而異名
同謂之玄玄之又玄衆妙之門

天下皆知美之為美斯惡已皆知善之為善

斯不善已有無相生難易相成長短相形高
下相盈音聲相和前後相隨恒也是以聖
人處無為之事行不言之教萬物作而弗始
生而弗有為而弗恃功成而弗居夫唯弗居
是以不去

不尚賢使民不爭不貴難得之貨使民不

為盜不見可欲使民心不亂是以聖人之治
虛其心實其腹弱其志强其骨常使民無
知無欲使夫智者不敢為也為無為則
無不治

道沖而用之或不盈淵兮似萬物之宗挫
其銳解其紛和其光同其塵湛兮似或

存吾不知誰之子象帝之先

天地不仁以萬物為芎狗聖人不仁以百
姓為芎狗天地之間其猶橐籥乎虛而不
屈動而愈出多言數窮不如守中

谷神不死是謂玄牝玄牝之門是謂天地根
繇々若存用之不勤

天長地久天地所以能長且久者以其不自
生故能長生是以聖人後其身而身先外其
身而身存非以其無私邪故能成其私

上善若水、善利萬物而不爭處衆人之所

惡故幾於道居善地心善淵與善仁言善信
政善治事善能動善時夫惟不爭故無尤

走山村二仙卷之三終
持而盈之不如其已揣而銳之不可長保金
玉滿堂莫之能守富貴而驕自遺其咎功
遂身退天之道也

載營魄抱一能無離乎專氣致柔能如嬰
兒乎滌除玄鑒能無疵乎愛民治國能無
為乎天門開闔能為雌乎明白四達能無

知乎生之畜之生而不有為而不恃長而不
宰是謂玄德

三十輻共一轂當其無有車之用埏埴以為
器當其無有器之用鑿戶牖以為室當其
無有室之用故有之以為利無之以為用

五色令人目盲五音令人耳聾五味令人口

爽馳騁畋獵令人心發狂難得之貨令人
行妨是以聖人為腹不為目故去彼取此

寵辱若驚貴大患若身何謂寵辱若驚
寵為下得之若驚失之若驚是謂寵辱若
驚何謂貴大患若身吾所以有大患者為
吾有身及吾無身吾有何患故貴以身為天

下若可寄天下愛以身為天下若可託天下

視之不見名曰夷聽之不聞名曰希搏之不

得名曰微此三者不可致詰故混而為一其

上不皦其下不昧繩々不可名復歸於無

物是謂無狀之狀無物之象是謂惚恍迎

之不見其首隨之不見其後執古之道以御

今之有能知古始是謂道紀

古之善為道者微妙玄通深不可識夫惟
不可識故強為之容豫兮若冬涉川猶兮

若畏四鄰儼兮其若客渙兮其若凌釋敦

兮其若樸曠兮其若谷混兮其若濁澹兮

其若海颼兮若無止孰能濁以靜之徐清

孰能安以動之徐生保此道者不欲盈夫惟
不盈故能蔽而新成

致虛極守靜篤萬物並作吾以觀復夫物

芸芸各復歸其根歸根曰靜曰復命復命

曰常知常曰明不知常妄作凶知常容容

乃公公乃全全乃天天乃道乃久沒身不殆

太上不知有之其次親而譽之其次畏之其次侮之信不足焉有不信焉悠兮其貴言功成事遂百姓皆謂我自然

大道廢有仁義智慧出有大偽六親不和
有孝慈國家昏亂有忠臣

絕聖棄智民利百倍絕仁棄義民復孝慈

絕巧棄利盜賊無有此三者以為文不足故
令有所屬見素抱樸少私寡欲絕學無憂
唯之與阿相去幾何美之與惡相去若何
人之所畏不可不畏荒兮其未央哉衆人熙
熙如享太牢如春登臺我獨泊兮其未央
沌兮如嬰兒之未孩儻兮若無所歸衆

人皆有餘而我獨若遺我愚人之心也哉俗
人昭々我獨昏々俗人察々我獨悶々澹々其
若海颺々若無止衆人皆有以而我獨頑且
鄙我獨異於人而貴食母

孔德之容惟道是從道之為物惟恍惟惚
惚兮恍兮其中有象恍兮惚兮其中有物